

TESTI IN LETTURA

Lt 2019 Torino

<i>Annunziata</i>	1
<i>Azzolini</i>	3
<i>Bampa</i>	5
<i>Barachini</i>	9
<i>Borriero</i>	11
<i>Giraudo</i>	13
<i>Grimaldi</i>	14
<i>Marcenaro</i>	16
<i>Menichetti</i>	19
<i>Milonia</i>	22
<i>Pollina</i>	24
<i>Sanguineti</i>	26
<i>Santini</i>	29
<i>Tudico</i>	31
<i>Verlato</i>	36
<i>Visalli</i>	39

Francesco Saverio Annunziata (Napoli)

Aimeric de Peguillan

En aquel temps que·l reis mori n'Anfos (BdT 10.26)

Ed. Shepard e Chambers

I.

1 En aquelh temps que·l reys mori, N'Amfos,
2 e sos belhs filhs qu'era plazens e bos,
3 e·l reys Peire de cui fon Araguos,
4 e·N Dieguos qu'era savis e pros
5 e·l marques d'Est e·l valens Salados,
6 ladonc cugei que fos mortz pretz e dos,
7 si qu'ieu fui pres de laissar mas chansos;
8 mas ar los vey restauratz ambedos.

II.

9 Pretz es estortz, qu'era guastz e malmes,
10 e Dons gueritz del mal qu'avia pres,
11 q'un bon metge nos a Dieus sai trames
12 deves Salern, savi e ben apres,
13 que conoys totz los mals e totz los bes
14 e mezina quascun segon que s'es;
15 et anc loguier no·n demandet ni ques,
16 anz los logua, tant es francs e cortes.

III.

17 Anc hom no vi metge de son joven
18 tan belh, tam bo, tan larc, tan conoissen,
19 tan coratgos, tan ferm, tan conqueren,
20 tam be parlan ni tam ben entenden,
21 que·l be sap tot e tot lo mal enten,
22 per que sap mielhs mezinar e plus gen,
23 e fa de Dieu cap e comensamen,
24 que l'ensenh'a guardar de falhimen.

IV.

25 Aquest metges sap de meggia tan,
26 et a l'engienh e·l sen e·l saber gran,
27 qu'elh sap ensembs guazanhar mezinan
28 Dieu e secgle. Guardatz valor d'enfan!
29 Que·l sieu perden venc, metent e donan,
30 sai conquerir l'emperi alaman.
31 Hueymais cre ben, quom que·y anes duptan,
32 lo fag qu·om di d'Alixandr'en comtan.

V.

33 Aquest metges savis, de qu'ieu vos dic,
34 fon filhs del bon emperador Enric,
35 et a lo nom del metge Frederic,
36 e·l cor e·l sen e·l saber e·l fag ric,
37 don seran ben mezinat siey amic

38 e·l trobaran cosselh e bon abric.
39 De lonc sermon deu hom far breu prezic,
40 que ben cobram lo gran segon l'espic.

VI.

41 Be pot aver lo nom de Frederic,
42 que·l dig son bon e·l fag son aut e ric.

VII.

43 Al bon metge maiestre Frederic
44 di, meggia, que de meggar no·s tric.

Bertran de Born

Belh m'es quan vey camjar lo senhoratge (BdT 80.7)

Ed. Gouiran

I.

1 Belh m'es quan vey camjar lo senhoratge
2 E·lh vielh laixan als joves lur maizos,
3 E quascus pot guiquir a son linhatge
4 Aitans d'efans que l'us pueſc'esser pros.
5 Ladoncs m'es vis que·l segle renovelh
6 Mielhs que per flor ni per chantar d'auzelh.
7 E qui dona ni senhor pot camjar
8 Vielh per jove, ben deu renovelar.

II.

9 Vielha la tenc dona, pus capel atge
10 Et es vielha, quan cavalier non a.
11 Vielha la tenc, si de dos drutz s'apatge
12 Et es vielha, si avols hom lo·il fa.
13 Vielha la tenc s'ama dins son castelh
14 Ez es vieilha, mas ha ops de fachell.
15 Vieilha la tenc, pos l'enuieion juglar
16 Et es vielha, que trop vuelha parlar.

III.

17 Jov'es dona que sap honrar paratge
18 Et es joves per bos fagz, quan los fa.
19 Joves se te, quan a adreg coratge
20 E vas bon pretz avol mestier non a.
21 Joves se te, quan garda son cors belh
22 Et es joves dona, quan be·s capdelh.
23 Joves se te, quan no·y cal devinar,
24 Qu'ab belh joven se guart de malestar.

IV.

25 Joves es hom que lo sieu ben enguatge
26 Et es joves, quan es ben sofraitos.
27 Joves se te, quan pro·l costa oſtatge
28 Et es joves, quan fa estraguatz dos.
29 Joves se te, quan art l'arqua e·l vaixelh
30 E fai estorn e vouta e sembelh.
31 Joves se te, quan li plai domneyar
32 Et es joves, quan ben l'aman juglar.

V.

33 Vielhs es ricx hom, quan re no met en gatge
34 E li sobra blatz e vis e bacos.
35 Per vielh lo tenc, quan liura huous e fromatge
36 A jorn carnal si e sos companhos;
37 Per vielh, quan viest capa sobre mantelh

38 E vielh, si a caval qu'om sieu apelh.
39 Per vielh lo tenc, quan no·l plai domneyar
40 E vielh, si pot guandir ses baratar.

VI.

41 Mon sirventesc port de vielh e novelh
42 Arnautz juglars a Richart, que·l capdelh;
43 E ja thezaur vielh no vuelh'amassar,
44 Qu'ab thezaur jove pot pretz guazanhar.

Lanfranco Cigala

Escur prim chantar e sotil (BdT 202.5)

Ed. Branciforti

I.

1 Escur prim chantar e sotil
2 sabria far, si·m volia;
3 mas no·s taing c'om son chant afil
4 ab tan prima maestria,
5 que no sia clars com dia;
6 que sabers a pauc de valor,
7 si clardatz no·ill dona lugor;
8 qu'escur saber tota via
9 ten hom per mort, mas per clardat reviu.
10 Per qu'eu chant clar e d'ivern e d'estiu.

II.

11 Tan tost chant d'invern quan d'abril,
12 ab sol que razos i sia;
13 e pres mais, qui qu'en als s'apil,
14 clars digz ab obra polia,
15 qu'escurs moz ab seran lia;
16 e no·m par qu'aia tant d'onor,
17 si tot la cui'aver maior,
18 cel que son chant ser'e lia,
19 qon cel que·l fai ab clardat agradiu.
20 Per qu'eu, qan chant, en chantar clar m'abriu.

III.

21 E qui m'en tenia per vil
22 ni m'o contav'a folia,
23 ben sai qu'ab quat'r'omes de mil
24 d'aiso no s'acordaria;
25 e pos tan granz parz fos mia,
26 s'el en prendia desonor,
27 poiri' encolpar sa follar;
28 et es ben granz aurania,
29 qu'escurs motz fai qais qu'aia sen autiu,
30 tals que no sab trair'aiga de clar riu.

IV.

31 Autr'avoleza femenil,
32 que nais d'envei'ab feunia,
33 fan cil qu'en blasmar l'autrui fil
34 s'aprimon ab vilania.
35 Mais qui far non o sabria
36 per que blasma l'autrui labor?
37 Aisso tenc eu per grant error
38 e per mon grat non seria,
39 qe ges no mou si non de cor chaitiu;
40 per qu'eu conseill a chascun que·s n'esquiu.

V.

41 Mas eu am dompna seingnoril
42 gai'e de bela paria,
43 li cui faig son clar e gentil,
44 nurit de fin pretz que·ls guia.
45 Qu'il val tant per cortezia,
46 que d'un plazen ris mi socor,
47 ades qant me ve, per amor.
48 E·l bais m'a mes en tal via,
49 de qu'ela·m fetz per sa merce aisiu,
50 qu'eu conquerai l'onrat ioi seignoriu.

VI.

51 Ab franc vol et ab cor humil
52 sui totz sotz sa seignoria
53 ni ai cor qu'eu m'en desapil,
54 si·m dures mil anz ma via;
55 que tan vas leis s'umelia
56 mos cors d'umelian dousor,
57 que·m teing per pagatz de dolor,
58 si ia miels no m'en venia;
59 mas midons, q'es conoissenç, ab pretz viu
60 m'issautz, si·l platz, pos eu tan m'umeliu.

VII.

61 Domna, de vos chant e d'amor,
62 de que·m tenon fol li pluzor;
63 mas ges per fol no·m tenria
64 qui sabia don mon chantar derriu;
65 mas eu am mais que·m teing'hom per auriu.

VIII.

66 Plazenz dompna, tot autre ioi esqui,
67 e devas vos mi venon ioi, dont viu.

Bartolomeo Zorzi

Mal aia cel que m'apres de trobar (BdT 74.8)

Ed. Levy

I.

1 Mal aia cel que m'apres de trobar,
2 car de trobar alegrier no m'apres,
3 qu'eu sai trobar chanzos e sirventes,
4 e no truep re que ja·m puesc'alegrar,
5 anz mi torna tot quant trueb en dolor.
6 Per que trobars en re no m'a sabor,
7 quar ges nulz hom non troba ben ni gen
8 si non troba so qu'a lui es plazen.

II.

9 Mas car trobars alegrier no·m pot dar,
10 pauc prezeira si trobar non saupes;
11 quar de mil us tant ensenhatz no·i es
12 qu'un prim chant gent sapch'entendre ni far,

13 ja que·s fenhon maint adreg trobador.
14 Mas qui saupes quant sabon li pluzor,
15 ben pogra dir: «Ieu conois veramen
16 qu'entr'els non ha gran ren d'ensenhamen».

III.

17 Per qu'era·m tenc az enueg mon chantar,
18 com qu'autre temps a plazer lo·m tengues,
19 quar es tengutz chantars a nesies,
20 ni eu meteis a sen no·l puosc jutjar,
21 quar per chantar non conquer hom lauzor,
22 quar s'us chanz es escurs de gran valor
23 a greu es hom qui n'ai'entendimen,
24 e si l'es clars que ja·l prezi granmen.

IV.

25 E par a so que·m dison dui joglar
26 dels plus adregz qu'ai'en aquest paes,
27 que chascuns d'els un chantar mi repres,
28 ja que no·i fos motz en cui esmendar.
29 Mas so non dic per mermar lur honor,
30 quar il m'amon et ieu lor port amor,
31 enanz ho dic, quar aion chauzimen,
32 pois il falhon qu'a pauc sabon nien.

V.

33 Pero ben sai que d'aquest razonar
34 pori' om dir que falhimen fezes,
35 qu'om deu esser frangs, adregz e cortes,
36 si vol autrui reprendre ni blasmar;
37 quar qui repren ni blasma tal follar
38 don pogr'aver a dreg reprededor,
39 melh no·s pot far tener desconoissen
40 ni plus anar sa foudat descobren.

VI.

41 Mas non cuges nuls hom de tal afar
42 qu'eu ja·m fenhes en totz faitz ben apres,
43 qu'eu sai qu'en mi tal saber non a ges
44 que tan plazens mi pogues ensenhar.
45 Pero de mi non dic lau ni blasmor,
46 quar tuit maistre son chauzit al labor,
47 mas a mos chanz pod hom chauzir leumen
48 quant valh en l'art de trobar primamen.

VII.

49 Mon novel chant envei a Mon Plus Car
50 per far restaur a so qu'eu l'ai promes,
51 qu'estiers non sai com mielh li restaures,
52 que s'il saupes, non m'auri' a tarzar;
53 quar sos enuegz m'atrai ir'e dolor
54 e sos plazers alegranz'e douzor,
55 per qu'eu li prec que viv'alegramen,
56 si ja·m vol far alegre ni jauzen.

VIII.

57 Prometres tanh a bon entendedor
58 et atendres a bon prometedor,
59 per qu'eu promis so que de cors aten,
60 quar qui promet deu atendre breumen.

IX.

61 Na Bels Salutz, de vostr'ensenhamen
62 ai tot quant sai far ni dir ben ni gen.

Giorgio Barachini (Merano)

Aimeric de Peguilhan

Li fol e·il put e·il filol (BdT 10.32)

Ed. Shepard e Chambers con modifiche (vv. 15, 26, 27, 30, 32, 42)

I.

1 Li fol e·il put e·il filol
2 creison trop e no m'es bel;
3 e·il croi joglaret novel,
4 enojos e mal parlan,
5 corron un pauc trop enan;
6 e son ja li mordedor
7 per un de nos dui de lor,
8 e non es qui los n'esquerna.

II.

9 Greu m'es car hom lor o col
10 e non lor en fai revel.
11 Non o dic contra·N Sordel,
12 q'el non es d'aital semblan
13 ni no·is vai ges percassan,
14 si co·il cavallier doctor;
15 mas qan faillo·l prestador,
16 non pot far cinc ni sieis terna.

III.

17 Lo marques part Pinarol,
18 que ten Salus e Revel,
19 non vuoil ges que desclavel
20 de sa cort ni an loignan
21 Persaval, que sap d'enfan
22 esser maestre e tutor,
23 ni un autre tirador,
24 qu'eu no vuoil dir, de Luserna.

IV.

25 Aitals los a cum los vol
26 lo marques, d'En Cantarel,
27 Nicholet e·l Trufarel,
28 que venon ab lui e van
29 e non del tot per lor dan.
30 Ben son trobat d'un color:
31 aitals vassals tal seignor!
32 Dieus lor don *vita eterna!*

V.

33 Ar veiretz venir l'estol
34 vas Malespina, e·l tropel,
35 don an la carn e la pel;
36 e ades on pietz lor fan,

37 e meins de merce lor an.
38 Trop son li combatedor
39 e pauc li defendedor:
40 mort son si Dieus no·ls governa.

VI.

41 Estampidas e romor
42 sai qu'en faran entre lor,
43 menassan en la taverna.

Raimbaut de Vaqueiras

Savis e fols, humils et orgoillos (BdT 392.28)

Ed. Linskell

I.

1 Savis e fols, humils et orgoilos,
2 cobes e larcs e volpills et arditz
3 sui qan s'eschai, e gauzens e marritz,
4 e sai esser plazens et enojos
5 e vils e cars vilans e cortes,
6 avols e bos, e conosc mals e bes,
7 et ai de totz bos aips cor e saber,
8 e qand ren faill fatz o per non poder.
9

II.

10 En totz afars sui savis e gignos
11 mas midonz am tant q'ie·n sui enfollitz,
12 qe·il sui humils on pieitz mi fai e·m ditz
13 e n'ai orguill car sai q'es bell'e pros,
14 e sui cobes c'ab son bel cors jagues
15 tant que plus larcs en sui e mieils apres,
16 e sui volpils car no·n l'aus enquerer
17 e trop arditz car tant ric joi esper.

III.

18 Bella dompna, tals gaugz mi ven de vos
19 que marritz vauc car non vos sui aizitz,
20 car per vos sui als pros tant abellitz
21 qu'enojant s'en li malvatz enojos;
22 be·m tenrai vil s'ab vos no·m val merces,
23 q'ie·m tenc tant car per vos en totas res
24 que per vilan m'en fatz als crois tener
25 e per cortes als pros tant sai valer.

IV.

26 D'amor dis mal e mas otras chansos
27 pel mal qe·m fetz la bell'enganairitz,
28 mas vos, dompna, ab totz bos aips complitz,
29 mi faitz tans bes q'esmenda m'es e dos,
30 c'amors e vos m'avetz tal ren promes
31 que val cen dos c'autra dompna·m fezes;
32 tant valetz mais, per q'ie·us vuoill mais aver,
33 e·us tem perdre e·us vuoill mais conquerer.

V.

34 Jois e jovens et avinens faissos,
35 dompn', e·l gens cors d'enseignamen noiritz
36 vos ant pretz dat, q'es pels meilleurs auzitz,

37 e, per ma fe, si m'aventura fos
38 q'ieu ni mos chans ni m'amors vos plagues,
39 lo mieils de pretz auri' en vos conques
40 e de beutat, e puosc o dir en ver,
41 que per auzir o sai e per vezet.

VI.

42 Bels Cavalliers, chausimens e merces
43 e·il fin'amors e·il sobrebona fes
44 qez eu vos port mi deuria valer
45 endreg d'amor, c'autre joi non esper.

VII.

46 Na Biatritz, vostre bel cors cortes
47 e·il grans beutatz e·l fins pretz q'en vos es
48 fai gent mon chan sobre·ls meilleurs valer,
49 car es dauratz del vostre ric pretz ver.

Andrea Giraudo (Torino)

Lo Coms de Toloza ~ Porcier

Porcier, cara de guiner (BdT 186.1a = 382.1)

Ed. Giraudo

Edizioni interpretative

P, cc. 65b-65c

Cobla de Folket e d'En Porcer del Cont de Telosa

1 Porcier, cara de guiner,
2 nas de gat, color de fer
3 a pauc canzar non si sotter
4 car anc en tu s'en pacet
5 car meil degra cerchar e cher
6 per plain per poig e per ser
7 e demander o anet
8 la troilla ab vostre ver.

9 Seigner, fait m'avez enquer
10 a Folchez en rima d'er,
11 car per un poc nu·i desfer
12 lo ronzin c'om li donec
13 del pe dreig e de l'esquer:
14 car meil me degra profer
15 son servis qant blasmec
16 mant bon cantar en deserer.

T, c. 85v

Tensoneta

1 Porcier, cara de gumer,
2 nas de gat, color de fer
3 a pauc tagn no·t sotter
4 car anc tu s'en paget
5 mils degra cercar et corir
6 per puoi et per plagha et per ser
7 e demandar on anet
8 la truoia ab lo nostre ver.

9 Segner, fatç m'aves ecerr
10 a En Folcet a En Folcet rimadier
11 et gia per pauc no li esfer
12 lo ronsin c'om li donet
13 del pe dreic et eu l'esquer:
14 cil me deia miels profer
15 son bon servisi c'om blasmet
16 mon bon cantar cieu deser.

Sordel

Tant m'abelis lo terminis novels (BdT 437.35)

Ed. Boni (cfr. Rialto 2006, Nota di Elisa Guadagnini)

I.

1 Tant m'abellis lo terminis novels
2 e tant m'es greu car mor chans e deportz,
3 q'ieu chantarai, e fatz hi gran esfortz,
4 tant ai estat pensius e malanans,
5 car chai a pans
6 tot so q'alz amoros
7 de far chanssos
8 solia esser enans:
9 dompneis e mans
10 grazirs e guizerdos;
11 per que nuills chans
12 non pot esser prezatz;
13 tant es mermatz
14 jois e totz faitz prezans.

II.

15 Pero per tal m'es al cor us cairels,
16 c'a fabregat desirs e temprat mortz,
17 qe·m fai chantar, car us plazens conortz
18 mi ten gauzen, cum qe·m trebail l'afans;
19 car tant es grans
20 l'onratz pretz enveios,
21 al laus dels pros,
22 de lieis cui sui amans,
23 qe·l dols pesans
24 m'en es gaugz, e·l dans pros;
25 per c'am mil tans
26 viure ab lieis trebaillatz
27 e tormentatz,
28 c'ab autra benanans.

III.

29 Que, si tot s'es sos cors gais et isnels
30 e frescs e nous, lo sens es vieillis e fortz;
31 qu'il es als crois fera e de durs acortz,
32 et als valens humils, gen acordans:
33 per qe·l trenchans
34 mals, q'ie·n trac, angoissons,
35 m'es ben joios
36 qan ie·n sui remembrans;
37 car mos talans
38 non es d'als volontos
39 mas c'a mos ans
40 reing a sas voluntatz:

41 tant fui lassatz
42 qan la vi al prim lans.

IV.

43 Sos volers es de mon fin joi capdels,
44 car d'autra part no·m ven jois ni confortz
45 mas de servir lieis per cui sui estortz
46 d'avol merce; que·l sieus cors benestans,
47 francs, gen parlans,
48 humils et orgoillos,
49 m'acor qu'eu fos
50 faich gais de dol clamans,
51 sol que, chantans,
52 sofra q'ieu sos aips bos
53 diga, et enans
54 sos pretz e sas beutatz,
55 on creis vertatz,
56 on hom plus n'es lauzans.

V.

57 E, pois tant val sos nous plazens cors bels,
58 que ses par viu, merce·ill clam qu'il s'esfortz
59 de mantener lo pretz d'entre·ls dos portz,
60 c'a si conques e mes a sos comans
61 ab gais semblans
62 et ab digz saboros,
63 et ab cor blos
64 de totz faitz malestans,
65 et ab trians
66 entiers aips cabalos,
67 que contrastans
68 no·i a; tant es poiatz
69 sos pretz honratz,
70 grazitz pels agradans.

VI.

71 Dompna, al prim lans
72 q'ieu vi·l gen cors de vos,
73 vostras faissos
74 m'entaillet per semblans
75 al cor, trenchans,
76 Amors, per q'ie·m sui datz
77 a so qe·us platz
78 fins, fermes a totz mos ans.

Simone Marcenaro (Campobasso)

Peire d'Alvergne

En estiu, qan crida·l jais (BdT 323.17)

Ed. Fratta

(Versione 'A')

I.

1 En estiu, qan crida·l iais
2 e reviu per miei los plais
3 jovens ab la flor que nais,
4 adoncs es razos c'om lais
5 fals'amor enganairitz
6 als volpillos acropitz.

II.

7 Li sordeior els savais
8 n'ant lo mieills e·l meins del fais:
9 pauc so prezon, qui·s n'irais.
10 Amarai mas non puosc mais,
11 que de tal amor sui guitz
12 don sai que serai trahitz.

III.

13 Pres ai estat en un caslar
14 ab so que no·i aus estar,
15 e pero non puosc mudar
16 de mos enemies no·l gar:
17 ja non serai assaillitz
18 qu'en auta rocha es bastitz.

IV.

19 Si·l portiers me vol iurar
20 c'autre no·i lais intrar,
21 segur poirai gerreiar;
22 mas al sagramen passar
23 tem que serai escarnitz,
24 que mil vetz i sui falhitz.

V.

25 Lai sui plevitz e iuratz
26 q'ieu non am ves autre latz,
27 mas d'aisso es grans pechatz
28 qu'eu am e non sui amatz:
29 totz-temps ai faitz plaitz e ditz
30 per qu'eu sui gen acuillitz.

VI.

31 A Dompnidieu qier solatz
32 per q'ieu sia enamoratz,

33 q'en aital hora fui natz
34 c'anc non puoc amar en patz,
35 e platz me car sui issitz
36 de la terra on fui noiritz.

VII.

37 Amor mi lais Dieus trobar
38 on ia no·m puesca fiar,
39 e qand ieu la tenrai car,
40 il pens de mi enganar,
41 c'adoncs mi tenc per garitz
42 qan mi ment tot cant mi ditz.

VIII.

43 Assatz a a cavalgar
44 qui la cuida autra trobar,
45 c'aissi co·l cel·s clau la mar
46 non pot hom gaire trobar
47 que non sion camiairitz
48 vas drutz e vas lor maritz.

(Versione 'B')

I.

1 En estiu, quan crida·l iays
2 e reviu per mieg los plays
3 iovens ab la flor que nais,
4 adoncs es ben dregz q'om lais
5 fals'amor enguanairitz
6 als volpilhos acropitz.

II.

7 Li sordeyors els savays
8 n'an lo mielhs e·l menhs de fais:
9 pauc so prezo, qui·s n'iraïs.
10 Amarai pus non puesc mais,
11 que de tal amor tuy guitz
12 don sai que serai trahitz.

III.

13 Perpres ai en un caslar
14 ab so que no·i aus estar;
15 empero non puesc mudar
16 de mos enemies no·m guar,
17 e ia non er assalhitz,
18 qu'en auta roca es bastitz.

IV.

19 Si·l portiers volgues iurar
20 q'autruy no·i laisses intrar,
21 segur pogra guerreiar,
22 pus al sagrament a far

23 fes mi esser escarnitz,
24 que cent en ve hom falhitz.

V.

25 -atz
26 -atz
27 -atz
28 -atz
29 -itz
30 -itz.

VI.

31 Adoncx dey querre solatz
32 de que sia mais prezatz,
33 quar en tal hora fuy natz
34 qu'anc non puec amar en patz:
35 totz temps ai faitz plaitz aunitz,
36 don mi tenc per avolitz.

VII.

37 Amia·m lais Dieus trobar
38 on ia no·m puesca fizar,
39 quar on plus la·n tenrai car,
40 que pes de mi enguanar:
41 adoncx mi tenc per gueritz,
42 quan mi ment de quan qu'en ditz.

VIII.

43 Assatz a que cavalg'ar
44 qui autra la vol sercar,
45 que tan quo·l cels clau la mar,
46 non pot hom una trobar
47 que no sia camiaritz
48 o ves drutz o ves maritz.

IX.

49 Totz temps deu esser marritz
50 qui d'aital amor es guitz.

Marcabru

Al dipartir del brau tempier (BdT 293.3)

Ed. e trad. Roncaglia, con un ritocco della trad. ai vv. 8 e 24.

I.

1 Al departir del brau tempier
2 quan per la branca pueja·l sucs
3 don reviu la genest'e·l brucs
4 e floreysson li presseguier,
5 e la rana chant'el vivier,
6 e brota·l sauzes e·l saucx,
7 contra·l termini, qu'es yssucs,
8 suy d'un vers far en cossirier.

II.

9 Cossiros suy d'un gran vergier
10 ont a de belhs plansos mans lucs;
11 gent sont l'empeut, e·l frugs bacucs:
12 selh qu'esser degron sordegier,
13 fuelhs e flors, paron de pomier,
14 son al fruchar sautz e saucs;
15 e pus lo caps es badalucs,
16 dolen son li membr'estremier.

III.

17 Mort son li bon arbre primier
18 e·l viu son ramils e festucs;
19 dels fortz assays los vey damnucs,
20 mas de bordir son fazendier;
21 de promessas son bobansier,
22 al rendre sauzes e saucs;
23 don los claman flacs e bauducs
24 ieu e tug l'autre soudadier.

I. Al dipartirsi della cruda stagione, quando pel ramo ascende la linfa onde rivive la ginestra e l'erica e fioriscono i peschi, e la rana canta nella pescaia, e germogliano il salice e il sambuco, contro la stagione ch'è arida ho in mente di comporre un *vers*.

II. Ho nella mente un gran giardino ove si trovano più boschetti di belle piante; buoni sono gl'innesti e il frutto vano: quelle parti che dovrebbero essere più vili, foglia e fiore, paiono di melo; ma al fruttare sono salice e sambuco; e poiché la testa è vuota, sono dolenti le estremità.

III. Morti sono i buoni alberi primitivi, e i vivi sono ramaglia e festuca; alle forti prove li vedo inetti, ma di vane giostre s'affaccendano; di promesse sono prodighi, al mantenerle salice e sambuco; perciò li chiamiamo fiacchi e cianciatori, io e tutti gli altri *soudadiers*.

IV.

25 Quan son la nueg josta·l foguier
26 n'Esteves, en Costans, en Ucs
27
28 mais que Berartz de Monleydier;
29 tota nueg joston a doblier,
30 e·l jorn, a l'ombra dels saucs,
31 auziratz nauzas e bauducs
32 e doblar entr'els l'escaquier.

V.

33 Doncs no pairejon li derrier?
34 en totz bos sens ab los faducs
35 el og! si Cozer e Sarlucs
36 valon Toloz'e Monpeslier!
37 Qu'ieu sai qual mort foron primier,
38 e·l mais dels vius son vers saucs,
39 e podetz dir qu'es benastrucs
40 qui troba laur ni olivier.

VI.

41 Neis l'ortolas, ab lo clavier,
42 jos ab un vent, s'en fuy huelhs cucs;
43 per esclavin'e per trabucs
44 an laissat mantelh e caussier;
45 ni ren non a·i del estagier:
46 tal hira·m fan sautz e saucs!
47 si no·ls ten reys o coms o ducs,
48 totz temps seran mais caminier.

IV. Quando sono la notte accanto al focolare, il signor Stefano, il signor Costante e il signor Ugo (= il signor Poltrone, il signor Imbroglione, e il signor Chiassone?) ... [lacuna d'un verso nel ms. [...]] più che Bernardo di Monleydier; tutta notte gareggiano al rilancio, e il giorno all'ombra dei sambuchi potreste udire chiasso e baldorie e rincarar tra loro i vanti come al ‘doppiar degli scacchi’.

V. Dunque non patrizzano gli attuali discendenti? Sì proprio, per davvero nonché per burla! se Cozer (= Cazères?) e Sarlucs (= Carlux?) valgono Tolosa e Montpellier! Perché io so quali furono gli antenati ora defunti; mentre il più dei vivi son vero sambuco, e potete dire ch'è particolarmente fortunato chi trova alloro od olivo.

VI. Il giardiniere stesso (= Jois), insieme col custode (= Jovens), ad un soffiar di vento, giù fugge, ad occhi chiusi; per schiavina e per zoccoli hanno lasciato mantello e calzatura; e non v'è traccia più del fattore (= Donars): così m'attristano salice e sambuco! Se non li tiene re o conte o duca, per sempre ormai se ne andranno vagabondi.

VII.

49 Los pros sal Dieus qu'an pretz entier,
50 que·l ric malvatz paron saucs;
51 per que·l segles es badalucs
52 don malavey'e desturbier.

VII. Salvi Iddio i prodi che hanno pregio senza macchia; ché i potenti malvagi paiono sambuco, e per essi il mondo è fatto scemo, onde si trascina malamente impedito.

Peirol

Coras qe·m fezes doler (BdT 366.9)

Ed. Milonia

I.

1 Coras qe·m fezes doler
2 Amors ni·m dones esmai,
3 ara·m ten gauzen e gai,
4 per q'ieu chan a mon plazer,
5 q'ieu ai plus ric ioi conquis
6 c'a mi no·is taignia
7 e qan Ricors s'umilia
8 Humilitatz s'enriquis .

II.

9 Midonz mercei e grazis
10 la benanassa q'ieu ai
11 e ia non oblidarai
12 los plazers qe·m fetz ni·m dis,
13 q'en mi non a mais poder
14 cill c'amar solia,
15 q'en plus franca seignoria
16 vuoil ses engan remaner.

III.

17 D'er enan m'er a tener
18 al reprovier c'om retrai:
19 “no·is mova qui ben estai”;
20 non farai ieu ges per ver,
21 qe·il flama q'amors noirirs
22 m'art la nuoich e·l dia,
23 per q'ieu devenc tota via,
24 cum fai l'auris el fuoc, plus fis.

IV.

25 Be m'agrada e m'abellis
26 de dos amics, qan s'eschai,
27 que s'amon de cor verai
28 e l'us l'autre non trahis
29 e sabon luoc e lezer
30 gardar ses foillia
31 que lor bona compaignia
32 non puosca enoios saber.

V.

33 Soven l'anera vezer,
34 la plus avinen q'ieu sai,
35 si·l devinamens c'om fai
36 no m'avengues a temer,
37 per so mos cors es aclis

38 vas lieis, on qu'il sia,
39 qe fina amors ioing e lia
40 tals que part loindans pays.

VI.

41 S'era part la Crotz del ris
42 don anc hom non tornet sai
43 non crezatz qe·m pogues lai
44 retener nuills paradis;
45 tant ai assis mon voler
46 en ma doussa amia,
47 que senes lieis no·m poiria
48 negus autre iois plazer.

VII.

49 Canssos, oimais pos tener
50 vas midonz ta via,
51 qu'eu sai ben q'ella volria
52 te auzir e mi vezter.

VIII.

53 Dalfin, s'auses mon voler
54 dir a ren que sia,
55 tant am vostra seignoria
56 que vos en saubratz lo ver.

Bernart de Ventadorn

A! tantas bonas chansos (BdT 70.8)

Ed. Lazar

I.

1 A! tantas bonas chansos
2 e tan bo vers aurai faih,
3 don ja no·m mezer' en plaih,
4 domna, si·m pesses de vos
5 que fossetz vas me tan dura.
6 Aras sai qu'e·us ai perduda!
7 Mas sivals no m'etz tolguda
8 en la mia forfachura.

II.

9 Vers es que manhtas sazos
10 m'era be dih e retraih
11 que m'estara mal e laih
12 c'ames et amatz no fos.
13 Mas lai on Amors s'atura,
14 er greu forsa defenduda,
15 si so coratge no muda
16 si c'alhors meta sa cura.

III.

17 Mas era sui tan joyos
18 que no·m sove del maltraih.
19 D'ira e d'esmai m'a traih
20 ab sos bels olhs amoros,
21 de que·m poizon'e·m fachura,
22 cilh que m'a joya renduda,
23 c'anc pois qu'eu l'agui veguda,
24 non agui sen ni mezura.

IV.

25 Mout i fetz Amors que pros,
26 car tan ric joi m'a pertraih.
27 Tot can m'avia forfaih,
28 val ben aquest guizerdos.
29 Aissi·l fenis ma rancura,
30 que sa valors e s'ayuda
31 m'es a tal cocha venguda:
32 totz sos tortz i adrechura.

V.

33 Qui ve sas belas faissons,
34 ab que m'a vas se atraih,
35 pot be saber atrazaih
36 que sos cors es bels e bos
37 e blancs sotz la vestidura

38 (eu non o dic mas per cuda)
39 que la neus, can ilh es nuda,
40 par vas lei brun'et escura.

VI.

41 Domna, si 'st fals enveyos,
42 que mainh bo jorn m'an estraih,
43 s'i metion en agaïh
44 per saber com es de nos,
45 per dih d'avol gen tafura
46 non estetz ges esperduda:
47 ja per me non er saubuda
48 l'amors; be·n siatz segura!

VII.

49 Bels Vezers, un'aventura
50 avetz, et es ben saubuda:
51 qued om que·us aya veguda,
52 de vos no fara rancura.

VIII.

53 Chanso, vai t'en a La Mura
54 mo Bel Vezer me saluda.
55 Qui c'aya valor perduda,
56 la sua creis e melhura.

Bertran de Born

Ara sai eu de prez qals l'a plus gran (BdT 80.4)

Ed. Gouiran

Redazione di **D^cFIKd**

I.

1 Ara sai eu de prez qals l'a plus gran
2 de totz aqels qe·s leveron maiti:
3 seigner Conratz l'a plus fi, ses enjan,
4 qe·s defen lai a Sur d'En Saladi
5 e de sa masnada croia.
6 Secora·l Deus, qe·l socors vai tardan!
7 Sols aura·l prez, qar sols soffre l'affan.

II.

8 Seigner Conrat, a Jesu vos coman,
9 q'eu fora lai a Sur, so vos afi,
10 mas laissei m'en qar s'anavan tardan
11 li comt'e·ill duc, li rei e li princi.
12 Pois vi midonz bell'e bloia,
13 per qe s'anet mos cors afebleian,
14 qu'eu fora lai, ben ha passat un an.

III.

15 Seingner Conrat, eu sai dos reis q'estan
16 d'aiudar vos. Ara entendatz qui:
17 lo reis Felips es l'us, qar vai doptan
18 lo rei Richart; et el lui dopt'aissi.
19 Ar fos usqecs d'els em boia
20 d'En Saladi, pos van Deu galian,
21 qar son crosat e d'anar mot non fan.

IV.

22 Seingner Conrat, tot per vostr'amor chan,
23 ni ges no·i gart amic ni enemi;
24 mas per so·l fatz qe·ls crosatz vauc reptan
25 del passage q'an si mes en obli.
26 Non cuidon q'a Deu enoia
27 q'ill se paisson e se van sojornan?
28 E·us enduratz fam e set, e·ill estan!

V.

29 Seingner Conrat, la roda·s vai viran
30 en aquest mon pur en mal a la fi,
31 qar paucs en sai qe no s'anon penan
32 qom enganon vezi e no-vezi.
33 Mas cel que pert no·ill par joia!
34 Doncs sapchan be cill q'eu dic q'aiso fan
35 qe Deus escriu so que dich e faich an.

VI.

36 Seingner Conrat, lo reis Richartz val tan
37 (si tot, qan voill, de lui gran mal m'en di)
38 q'el passara ab tal esfortz organ
39 qon far poira, so aug dir tot de fi;
40 e·l reis Felips en mar poia
41 ab autres reis, q'ab tal esfortz venran
42 qe part l'Arbre-Sec irem conquistan.

VII.

43 Bels Papiols, vas Savoia,
44 ten ton camin e vas Branditz brocan,
45 e passa·l mar, q'al rei Conrat ti man.

VIII.

46 Can seras lai, no te noia,
47 tu li diras qe, s'ar no·ill vaill ab bran,
48 e·il valrai tost, si·ll rei no·m van bauzan.

IX.

49 Mas ben es ver q'a tal dompna·m coman,
50 si·ll passatges no·ill platz, non crei qe i an.

Redazione di M

I.

1 Ara parra de prez qals l'a plus gran
2 de totz aqells qi·s leveron mati:
3 mesier Conratz l'a plus fin, ses enjan,
4 qe·s defen lai a Sur d'En Saladi
5 e de sa mainada croia.
6 Dieus l'acorra, qe·l secors vai tardan.
7 Sols aura·l prez, pos sols suefre l'afan.

II.

8 Mesier Conrat, a Jesu vos coman,
9 q'ieu fora lai, ab vos, so vos afi,
10 mas laissei m'en qan vi qe li plus gran
11 si croiçavan, li rei e li primsi.
12 Pueis vi midons, bella e bloia,
13 per qe mos cors mi vai afreollan,
14 lai for'ab vos, s'ieu en saupes aitan.

III.

15 D'En Oc-e-No mi vauc ara duptan,
16 qar peza li si nuilha re·l casti,
17 e·l reis frances vai si trop apriman
18 ez ai paor qe veinha sobre mi.
19 Mas anc al seje de Troia
20 non ac tan duc, primce ni amiran
21 con ieu ai mes, per chantar, a mon dan.

IV.

22 A mon Ysombart, part Troia,
23 vai, serventes, e di li·m, q'ieu lo·l man,
24 q'als reis crozatz es amta, qar non van.

Giovanna Santini (Viterbo)

Bertran de Born

No posc mudar un chantar non esparga (BdT 80.29)

Ed. Paden, Sankovitch e Stablein

I.

1 Non puosc mudar mon chantar non esparga,
2 pois N'Oc e Non a mes fuoc e traich sanc;
3 car grans gerra fai d'escars seignor larc,
4 per qe·m plai ben dels reis auzir la bomba.
5 Qe n'aion ops païsson, cordas e pom,
6 e·n sion trap tendut per fors jazer,
7 e·nz encontrem a milliers et a cens,
8 si c'apres nos en chant hom de la gesta.

II.

9 Q'ieu n'agra colp receubut en ma targa
10 e faich vermeil de mon gonfanon blanc,
11 mas per aïsso m'en soffrisc e m'en parc
12 qe N'Oc e Non vei que un dat mi plomba.
13 Mas non ai ges Lezinan ni Rancom,
14 q'ieu puosca loing osteiar ses aver;
15 mas aiudar puosc de mos conoissens,
16 l'escut al col e capel en ma testa.

III.

17 Si·l reis Felips n'agues ars'una barga
18 denan Guiortz, o crebat un estanc,
19 o a Roam intres per forss'el parc,
20 que l'asetges pel puoig e per la comba
21 c'om no·n pogues traire breu ses colom,
22 adoncs sai eu q'el volgra far parer
23 Carle que fon del mieills de sos parens,
24 per cui fon Poill'e Sansoigna conquesta.

IV.

25 Anta l'adutz e de pretz lo descarga
26 gerra, cellui cui hom no·n troba franc,
27 per q'eu non cuich, lais Caortz ni Cajarc
28 Mon Oc e Non, pois tant sap de trastomba.
29 Si·l reis li da lo thesaur de Chinom,
30 de gerr'a cor, et aura·n pois poder.
31 Tant l'es trebaills e messios plazens
32 qe los amics e·ls enemies tempesta.

V.

33 Anc naus de mar, qand a perdu la barga
34 et a mal temps e·is vol virar al ranc
35 e cor plus fort d'una saieta d'arc,
36 e·is lev'en aut e puois aval jos tomba,
37 non traïs anc pieitz, e dirai vos ben com,

38 q'ieu fatz per lieis, que no·m vol retener,
39 qe no·m mantен jorn, terme, ni covens,
40 per qe mos jois, q'era floritz, bisesta.

VI.

41 Vai, sirventes, ades tost e correns,
42 a Trainac sias anz de la festa.

VII.

43 Di·m a·N Rotgier et a totz mos parens
44 qe no·i trop plus omba ni om ni esta.

Guillem Magret

Aiga poja contra mon (*BdT* 223.1)

Ed. Tudico

Mss.: **C** 160cd (.G. aymar.), **D^a** 191d-192a (*Willem magrez*), **E** 138b-139a (*Guilem magret.*), **I** 139d (*Guillems Magretz.*), **K** 125c (*Guillem Magretz.*), **R** 17d (.G. ademar.), **T** 216v-217r (*Guilm magret*), **W** 201cd (an.), **M^{h2}** 61ab (*Guilem Magret*), **e** 168,170,172 (*Guilem Magret*).

Edizione precedente: Naudith 1914.

Ordine strofico:

I III II IV V VI VII **DEIKT**

I III II IV V **M^{h2}e**


I II III IV V **CR**

I **W**

Metro: Cinque *coblas unissonans* di 11 versi e due *tornadas* di 4 e 3 versi (Frank 597:4).

7a 7b 7b 7a 7c 7c 7'd 7'd 8e 8e 8f

Melodia: ABACx con variazioni.



[testo di base **C**]

I.

1 L'aigua pueja contramon
2 ab fum ab niul'et ab ven
3 et on plus aut es dissen.
4 E sapchon tut cil del mon
5 qu'eissamen pueja valors
6 ab ben fag et ab honors
7 e quant es aut dissendria
8 s'el bes non la sostenia.
9 E degram esser envejos
10 del marques e dels autres pros
11 e dels honratz rics fagz q'ilh fan.

II.

12 Bars qu'a manjar si rescon
13 renha trop vilanamen,
14 e dompna piegz per un cen

15 si ja pueys li presta·l con,
16 que de manjar nais amors
17 pretz e solatz e valors,
18 e n'intra hom en paria
19 ab tal don ja non l'auria.
20 Sobre totz bes es saboros
21 gent parlar e cortes respos,
22 e qui mais non pot fass'aitan.

III.

23 Ja non volgra agues son
24 prodom ni d'als pensamen
25 mas de bon captenemen,
26 e volgra d'aquels qui son
27 avol e dels sordejors
28 que s'onresson dels melhors
29 de pretz e de cortezia,
30 e sabetz per qu'o volria:
31 quar soi molt d'anar voluntos
32 e soy lai ans qu'en truep dos
33 de selhs qu'amon pretz ses enjan.

IV.

34 En Espanha a un pon
35 per on passava soven,
36 fach per tal encantamen
37 que si·l parlatz gen respon.
38 .v. pilars i a, senhors,
39 e ben a mil cavals cors
40 tan es belhs de plana via.
41 En l'ausor pilar que y sia
42 estai lo valens reys n'Amfos
43 rics de cor e tan cabalos
44 que del tot complis son talan.

V.

45 Et alhion trobey fon
46 don sorzon vair vestimen
47 et aurs mesclatz ab argen,
48 et en estiu quan neus fon
49 en chai temprada freidors
50 et entorn Nadal calors,
51 e si vilas en bevia
52 adregz e cortes seria,
53 *et il* marrit e·l cossiros
54 en tornon alegr'e joyos
55 e·l paupre manent qui lai van.

[*tornadas* presenti in **DEIKT**; testo di base **D**]

VI.

56 Cel qui en re non faillia,

57 Reis d'Aragon, sai entre nos
58 vos laisset que fossan ab vos
59 que nos restaurassez lo dan.

VII.

60 El comensamenz es tan bos
61 que si tals es la fenizos
62 anc Alixandris non valc tan.

Elimino il codice e, descriptus di M^{h2}.

I – 1. L'aigua **CR** : Aigua **DEIKTM^{h2}** : Laigue **W** || pueia contramon : puge contremont **W**. 2. al fum et al niule et al vent **W** || ab niul et ab uen **CR** (nivol **R**) : ab nebles ab uen **DIK** : et ab neitblezab uen **EM^{h2}** (neitbla et **M^{h2}**) : am pluoia deisen **T**. 3. *om.* **T** || on plus : quant est **W** || aut es **CR** : pueia **DEIKM^{h2}** : aut et **W** || dissen **CR** : deissen **DEIK** : bas deisen **M^{h2}** : descent **W**. 4. *om.* **CR** || que son **DEIKTM^{h2}** : del mont **W**. 5. quensemement puge valors **W** || qu'eissamen **CR** : catressi **DEIKTM^{h2}**. 6. *om.* **T** || ben **CW** : be **R** : bels **DEIKM^{h2}** || honors **CR** : eunor **W** : lauzors **DEIKM^{h2}**. 7. quant **CDERWM^{h2}** : tant **IK** : com **T**. 8. sil : son **W** || bens **CTW** : bes **DERM^{h2}** : bos **IK**. 9. deuem **CR** : degram **DE** : degran **IKTM^{h2}** : degrem **W** || enveyos **CDERWTM^{h2}** : autres pros **IK**. 10. aqui plagues vers e chansos **IK**. 11. fagz **CR** : rics fatz **DEIKTM^{h2}W** || q'ilh fan : kiu fen **W**.

II – 12. bars **CR** : bar **DEIKTM^{h2}** || qua **C** : qui per **DEIK** : que **TM^{h2}** : cal **R** || si rescon **CERM^{h2}** (se **R**) : sescon **DIKT**. 15. li presta·l con : gen li respon. nil prestal con **R**. 16. maiar **CR** : maniar **DEIKM^{h2}** : mangiar **T**. 17. pretz esolatz e valors **CR** : dos ebenfaitz et honors **DEIKM^{h2}** (dous **E**, dotz **IK**, don **T**). 18. en intra hom **CERM^{h2}** : et intra nom **DIK** : eintra om **T**. 19. ab selhs que **CR** : abtal don **DEIKTM^{h2}** || ia : gia **T**. 20. sobre totz bes **CR** : sobre que tot **DEIKTM^{h2}**. 21. gent parlar **CR** : genz maniars **DEIKM^{h2}** : demangiars **T** || e : ab **R**. 22. mais **CR** : plus **DEIKTM^{h2}** || fassa : fais **T**.

III – 23. uolgra **CRT** : uolria **DEIKM^{h2}** || agues : ges **RT** || son : am **T**. 24. rics homs **CR** (hom **C**) : pro domna **IK** : pros dona **DEM^{h2}** (donna **D**) : pros dom **T** || ni dals : ndautre **T**. 25. de bon **CR** : de bel **DIKT** : del sieu bel **EM^{h2}** || captenemen **CR** : acuillimen **DEIKT**. 26. volgra : uolria **M^{h2}** || daquels **CR** : tut cil **DETM^{h2}** : que tut cil **IK**. 27. dels sordeyors **CDERM^{h2}** : dels sol deiors **IK** : desesordeiors **T**. 28. *om.* **DETM^{h2}** || que son recet dels melhors **C** : que sōressō los melhors **R** : desonratt entrels maiors **IK**. 30. e sabetz **CR** : ar auiatz **DEIKTM^{h2}** (er **M^{h2}**) || per quo **C** : per so **DIK** : perco **ERM^{h2}** : perce **T**. 31. quar molt **C** : car soi **R** : quieu soi mout **DEIKTM^{h2}** || danar **CEM^{h2}** : dannar **D** : damar **IKR** : damor **T**. 32. totz las enans **C** : esoи las anz **DRM^{h2}** : eport las ans **ET** (los **T**) : efort la osanz **IK** || quen **CERM^{h2}** : que **D** : sen **IK** || truep **CR** : trobes **DIKT** : trobe **EM^{h2}**. 33. camon **CERTM^{h2}** : camen **D** : que mou **IK**.

IV – 35. per on passaua **CR** : peron hom passa **DETM^{h2}** : per om passa **IK**. 36. fach **C** : fag **DR** : fait **EM^{h2}** : faiz **I** : faig **K** : fat **T** || encantamen **CDERTM^{h2}** : enchantamen **I** : enzantamen **K**. 37. gen : el **M^{h2}**. 38. pilars : pilairs **I**. 39. e ben a **C** : eia a **D** : & ai a **E** : et a ia **IK** : et a lai **M^{h2}** : et ay be a **R** : & a **T** || mil : mils **T** || cors **CDERTM^{h2}** : de cors **IK**. 40. tan es belhs de plana uia **CR** (tant **R**) : plan e de mot bella uia **DEM^{h2}** (molt **E**, mout **M^{h2}**) : plan ede bella condia **IK** : ces mout bella uia **T**. 41. el plus fort **CR** (pus **R**) : en lausor **DEIKTM^{h2}** (e **T**) (aussors **IK**) || quei : ce **T**. 42. estai lo **CRT** (&stai **T**) : esta lo **DIK** : estal **EM^{h2}** || ualens **C** : ualenz **DIK** : ualen **ERTM^{h2}**. 43. rics **CDIK** : ricx **EM^{h2}** : ric **RT** || cabalos **CR** : poderos

DEIKTM^{h2}. 44. tot : tut **T** || son talan : sun talen **T**. V – 45. et alhion **CR** (alhon **R**) : et aleon **DIK** : et aleo **EM^{h2}** : aleion **T** || tropiey **CT** : tropiey **DIK** : tropiey **ERM^{h2}** || fon : la fon **M^{h2}**. 46. don **CR** : on **DEIKTM^{h2}** || sorzon **CDRT** (sorson **T**) : sorzion **EM^{h2}** : soiz on **IK** || uair **CT** : uar **DEIKRM^{h2}**. 47. et aurs mesclatz **CDIK** : et aur mesclat **ERTM^{h2}** (e **T**). 48. estiu : estieus **R**, estio **T** || quan neus **CDET** (neu **T**) : tant reus **IK** : can la neus **RM^{h2}**. 49. enchai **CR** : inais **DEIKT** : ni nais **M^{h2}** || temprada **CDI** : trempada **EM^{h2}** : tenpranda **K** : tremprada **R** : destenprada **T** || freidors **CDEM^{h2}** : fredors **IK**, fredrors **T**. 50. nadal **CDERM^{h2}** : natal **IK** : naidal **T**. 51. uilas **CDERM^{h2}** : uilans **IKT** || en beuia : iuenia **T**. 52. adregz e cortes **CR** (adretz **R**) : cortes et adretz **DTM^{h2}** (adreitz **M^{h2}**) : cortes & adregz **EIK** (adreg **K**). 53. el **CT** : eill **DEIKM^{h2}** : els **R** || marrit **CDEM^{h2}** : marritz **IKR** : marit **T** || el **CT** : eli **DEIKM^{h2}** : els **R** || cossiros **CR** : consiros **DIKM^{h2}** : constros **E** : cosiros **T**. 54. entornon : tornon **C**. 55. el paupre **CR** : eill paubre **DEIKM^{h2}** : el paubres **T** || manent **CDIK** : manen **ERM^{h2}**, mamen **T** || qui **CDEIK** : que **RTM^{h2}** (ce **T**) || lai uan **CERM^{h2}** : lauan **DIKT**.

VI – 56. cel qui **DIK** : ...sel que **E** : e cigll **T** || enre non **DE** : entren non **IK** : qin ren **T**. 57. daragon : darragon **D**. 58. vos : nos **T** || fossan **D** : fos... **E** : forsam **IK** : fos **T** || uos : nos **T**. 59. que nos **DEIK** : *om.* **T** || restaurassez **D** : restauressez **IK** : restaures **ET**.

VII – 60. el **DEIK** : al **T**. 61. tals **DEIK** : tal **T** || fenizos : finisons **T**. 62. anc : ce **T** || alixandris **DI** : alixandres **E** : alexandris **K** : alesandre **T**.

I – L'acqua sale in alto con fumi, con nebbia e con vento, e dov'è più in alto scende. E tutti al mondo sanno che allo stesso modo sale il valore con buone azioni e con onori, e quando è in alto scenderebbe se il bene non lo sostenesse. E dovremmo essere emuli dal marchese e dagli altri valorosi e delle onorate nobili azioni che compiono.

II - Un barone che si nasconde a mangiare regna in maniera molto villana, e una signora cento volte peggio se poi gli concede la vagina, perché dal mangiare nasce amore, pregio, diletto e valore, e non si entra in intimità con uno da cui non lo si avesse mai. Sopra tutto è piacevole il gentile parlare e la cortese risposta, e chi più non può faccia questo.

III - Non vorrei mai che un nobile uomo si preoccupasse d'altro che di un buon comportamento, e vorrei da coloro che sono vili e dai peggiori che traessero onore dai migliori per valore e cortesia. E sapete perché lo vorrei: perché sono molto desideroso di andare, e sono lì prima che ne trovi due, di quelli che amano il valore senza inganno.

IV - In Spagna c'è un ponte per il quale passavo spesso, fatto con un tale incantesimo che se gli parlate risponde gentilmente. Cinque pilastri ci sono, signori, ed è stato percorso da ben mille cavalli, tanto è agevole da percorrere. Sul pilastro più alto che vi sia c'è il valoroso re don Alfonso, nobile di cuore e tanto perfetto che realizzò appieno le sue intenzioni.

V - E altrove ho trovato una fonte da cui sgorgano abiti di molti colori, e oro mescolato ad argento, e nella bella stagione, quando la neve si scioglie, ne nasce una tiepida frescura, e intorno a Natale calore, e se un villano vi bevesse diventerebbe retto e

cortese, e quelli angosciati e preoccupati vi diventano allegri e gioiosi, e ricchi i poveri che là vanno.

VI - Colui che non sbagliava in nulla, re d'Aragona, qui tra noi, lasciò a voi che fossero con voi, affinché ci riparaste il danno.

VII - L'inizio è tanto buono che, se tale sarà la fine, neanche Alessandro ebbe tanto valore.

Zeno Verlato (Firenze)

Bertolome Zorzi

Iesucrist per sa merce (BdT 74.6)

Ed. Verlato

I.

1 Iesucrist per sa merce
2 m'a faig tan d'onranza,
3 er quant mortz mi ten al fre,
4 que·m sembla pesanza
5 viur'en est segle venal,
6 desleial,
7 on reignon trastuit li mal;
8 per qu'eu grazisc merceian
9 la volontat e·l talan
10 que per sos plazers me guida,
11 e prec lo que no m'ublida

II.

12 d'aitan que no·i truep merce
13 anz qu'aia venianza
14 del mal qu'eu ai faig ancse,
15 qu'estiers ai certanza
16 qu'eu aurai pen'eternal
17 enfernal,
18 tal son fag tuit mei iornal;
19 mas tan mi vauc conortan,
20 quar repentizon ai gran,
21 qu'en chantan voill dir ma vida,
22 qu'ar sia ma colp'auzida.

III.

23 Mas per meillz trobar merce,
24 a l'encomensanza
25 dic que·l mals qu'ai faig al be
26 ses tot comt'avanza,
27 qu'a lei de fol natural,
28 cui non cal
29 s'aura dol perpetual,
30 sol qu'el segl'a plazer an,
31 ai viscut ma mort cercan,
32 tan m'es la cortz abellida
33 que totz a mal far convida.

IV.

34 Qu'eu ai viscut ses merce,
35 enics, plens d'erranza,
36 ergoillos, de mala fe,
37 ab desmezuranza,
38 falsan contra maint leial,
39 ni quis al

40 s'ieu n'aic ioi e mon cabal,
41 don ai faig per lait enian
42 vers e sirventes e chan
43 d'avol razon deschauzida
44 ab mainta mensogn'aunida.

V.

45 Et ai ques mainta merce
46 sol per galianza
47 e chiflat autrui e me
48 en avol amanza,
49 per qu'en peccat criminal
50 e mortal
51 ai tan sobrancier captal
52 que, quant m'o vauc remembran,
53 trembl'e fremisc, consiran
54 la pena qu'es establida
55 a cels qui fan tal faillida.

VI.

56 Mas si Dieus no·i a merce
57 per sa gran pidanza,
58 com sera doncs, folz, de te?
59 Quals razos t'enanza?
60 Ieu no·i sai ni tal ni qual,
61 quar no·m val
62 quant ai faig un pong de sal,
63 ni·m vauc d'al aseguran
64 mas de pezanz'e d'afan,
65 s'ab veraia repentina
66 merces non te ma partida.

VII.

67 Glorios reis de merce,
68 si per fol'enfanza
69 fis ni dis ni penziei re
70 don mier malanza,
71 daz n'al cors dol temporal
72 tan coral
73 qu'al forfag an per egal,
74 e·ls mals qu'a l'arma n'eschan
75 tuelha·ls si merces denan,
76 qu'il sia prop ma fenida
77 en paradis acuillida.

VIII.

78 E vos, Domna, clam merce,
79 on ai m'esperanza,
80 que preiatz lui que m'estre
81 d'aital perdonanza
82 qu'a l'arma·m retenga sal
83 bon legal
84 lai el reing celestial,

85 quar per vos viu esperan
86 que l'angels cui la coman
87 la menra lai ab iauzida,
88 quant sera del cors eissida.

IX.

89 Hai, segles voigz de merce,
90 com ha vil cuidanza
91 totz hom qu'aver de vos cre
92 ioi ni benananza,
93 quar vostr'afar trueb hom tal
94 qu'el desval
95 on plus resembla cabal,
96 per qu'aicel qui·us ser ni·us blan
97 non sap de pro chauzir dan
98 o vol penr'anz mort marida
99 que benananza complida.

X.

100 Ben es fols qui l'arm'ublida
101 per aquesta mortal vida.

Marcabru

Ueimai dey esser alegrans (BdT 293.34)

Ed. Visalli

I.

1 Ueimai dey esser alegrans
2 pus l'aura dossa vey venir,
3 et auch lays e voutas e chans
4 dels auzels que fan esbaudir.
5 Lo gens temps mi fay alegrar,
6 mas per Ioven me desconort
7 car tot iorn lo vey sordeiar.

II.

8 D'una res soy meravilhans:
9 c'ades vey granar e flurir
10 et Escasetatz, oc, e Enians
11 vas quelque part me torn ni·m vir.
12 Cortezia ni Bel estar
13 ni Pretz ni Valor ni Deport
14 vas nulha part no veg renhar.

III.

15 Estz lauzengiers lenguas trencans
16 – qui Dieus cofonda et azir –
17 meton Proeza en balans
18 e fan Malvestat enantir.
19 Mas als pros dic e vuelh proar
20 que ia us ab elhs no·s n'acort
21 si en proeza vol estar.

IV.

22 Eissamens son donas trichans
23 e sabon trichar e mentir,
24 per que fan los autrus efans
25 als maritz tener e noirir.
26 D'aisi naiso·l malvat cuiar
27 c'us non ama ioi ni deport
28 ni n'auza hom entr'els parlar.

V.

29 Ia Dieus no·l sia perdonans
30 qui las vol onrar e servir,
31 estas putas ardens cremans
32 peiors qu'ieu no·us sabria dir.
33 Tan lor sap bo lo clau copar
34 que no·l gardo dreg ni tort
35 may sel que mielhs las sap ronsar.

VI.

36 Qui anc fon prezatz ni amans
37 per donas, be sen deu g quir,
38 c'aytan s'en aura us truans,
39 o may, si mays li pot bastir.
40 Et yeu poyria o ben proar
41 per ma dona Na Cropa-fort,
42 mas ia no l'a·n vuelh desselar.

VII.

43 Messaties cortes, ben parlans,
44 vay t'en en Urgel ses falhir
45 e sias del vers desplayans
46 a·n de Cabrieyra que·l remir
47 e potz li dir senes gabar
48 qu'en tal loc ay tornat ma sort
49 on el poyria trop muzar.

VIII.

50 E potz li dir senes gabar
51 qu'en tal loc ay tornat ma sort
52 on el poyria trop muzar.